

## Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

## 1590.

Anno 1590 abbatia Garstensis pastore vacavit. Nam Rmus. abbas D. *Joannes Spindlerus*, vir alias laudatissimus, quo anno 1574 a prioratu *Mellicensi* in abbatem huius loci postulatus fuerat et a Rmo. Ordinario Passaviensi *Urbano* et *Maximiliano II.* Caesare Romano tam in spiritualibus quam in temporalibus confirmationem acceperat hactenusque laudabiliter admodum monasterio praefuerat et postmodum abactis et amotis quibusdam suspectis tam superioribus quam etiam inferioribus religionem catholicam disciplinamque monasticam magno labore, conatu et zelo introduxerat et pro virili tunc pro temporum conditione propagaverat, a. 1589 in abbatem *Cremiphanensem* ob suas praeclaras virtutes postulatus et abductus fuit. De cuius viri religiosissimi laudibus eximiis alibi locus copiosius aliquid producendi et dicendi dabitur. Unde iam ad alia transeundum.

Sede itaque Garstense vacante administratio monasterii penes D. F. *Michaelem* tum Priorem fuit, qui tamen adhuc eodem anno, mense Novembri, in abbatem *Baumgartensem* Ord. d. Bernardi Cist. postulatus et investitus fuit, ut infra dicetur, et R. D. F. *Martinum Alopitium* olim parochum ad s. *Laurentium* in Styria, sed iam professum et parochum Garstensis monasterii, qui deinde anno insequenti mense Maio die 24. in praesulem Garstensem unanimi fratrum consensu electus fuit. De quo tamen etiam postea plura.

Annus hic 1590 in multis, maxime vero in hisce rebus valde memorabilis fuit. Hiems enim asperrima et longissima et summopere incommoda extitit. Nam a. adhuc 1589 statim in initio mensis Nov. densissima nix cecidit, quae deinde successu temporis magis magisque nova continua nive supercadente adacta et cumulata fuit, quam horrenda asperitas intensissimi frigoris consecuta est, quae per quatuor integros menses usque ad mensem Martium duravit. Ex qua Danubius et alia maxima flumina per Germaniam ita constricta et concreta fuerunt, ut plausta maximis ponderibus onusta sine periculo pertulerint. Sed et in mense Martio iam resoluta glacies maxima frustra mediocris domus instar ubique plurima damna praesertim in deportandis pontibus attulit; quin etiam nives tam profundae fuere et frigus tam intensem, ut quam plurimae silvestres ferae multis in locis sed praeципue intra civitates *Viennam* et *Noram Civitatem* in nemoribus et saltibus interierint. Imo percrebro rumor in Januario *Viennam* pervenit, lupos adeo fame et inedia instigatos, ut homines itinerantes in viis et compitis invaserint et dilaniarint. Ex hac tanta copia nivium et frigoris inclemencia sata hiberna siliginis, tritici, hordei et

Abt Joh.  
Spindler.

Administration  
des  
Stiftes  
Garsten.

Abtwahl.

Strenger  
Winter.

Wölfe.